

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 32. sjednici, održanoj 29.10.2015. godine, d o n o s i

ZAKLJUČAK

I.

Utvrđuje se Prijedlog Odluke o usvajanju Elaborata o društveno-ekonomskoj opravdanosti osnivanja Zavoda za zaštitu kulturne baštine Zeničko-dobojskog kantona.

II.

Prijedlog Odluke iz tačke I. se upućuje u dalju skupštinsku proceduru.

III.

Zaključak stupa na snagu danom donošenja.

Broj: 02-_____/15.

Datum, 29.10.2015. godine

Zenica

PREMIJER

Miralem Galijašević

DOSTAVLJENO:

1x Stručna služba Vlade,

1x Ministarstvo za obrazovanje, nauku, kulturu i sport,

1x Stručna služba Skupštine,

1x a/a.

PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 44. stav 4. i članom 45. Zakona o zaštiti kulturne baštine („Službene novine Zeničko-dobojskog kantona”, broj: 2/00), Skupština Zeničko-dobojskog kantona, na ____sjednici, održanoj _____2015. godine, donosi

ODLUKU

o usvajanju Elaborata o društveno-ekonomskoj opravdanosti osnivanja Zavoda za zaštitu kulturne baštine Zeničko-dobojskog kantona

Član 1.

Usvaja se Elaborat o društveno-ekonomskoj opravdanosti osnivanja Zavoda za zaštitu kulturne baštine Zeničko-dobojskog kantona.

Član 2.

Odluka stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 02-_____ /15.

Datum,

Z e n i c a

PREDSJEDAVAJUĆA

Draženka Subašić, s.r.

Obrazloženje

Pravni osnov

Pravni osnov za donošenje ove odluke temelji se na članu 37. stav 1. tačka f.) Ustava Zeničko-dobojskog kantona, na članu 44. stav 4. i članu 45. Zakona o zaštiti kulturne baštine („Službene novine Zeničko-dobojskog kantona”, broj: 2/00).

Razlozi za donošenje

Zakonski osnov za donošenje Elaborata o društveno-ekonomskoj opravdanosti osnivanja Zavoda za zaštitu kulturne baštine Zeničko-dobojskog kantona sadržan je u odredbi člana 44. stav 4. i člana 45. Zakona o zaštiti kulturne baštine („Službene novine Zeničko-dobojskog kantona“, broj: 2/00).

Zakonom se utvrđuju mjere zaštite i korištenja dobara baštine, prava i obaveze vlasnika dobara baštine i nosioci njene zaštite. Zakon predviđa postojanje kantonalnog zavoda za zaštitu baštine koji bi se starao o zaštiti, korištenju i obnovi dobara baštine. On bi imao zadatak voditi registar dobara baštine i pružati stručnu pomoć organima vlasti i vlasnicima baštine. Nažalost, Zavod nikada nije formiran. Nepostojanje zavoda onemogućava sistematsku i plansku brigu o kulturnoj baštini na području Kantona.

Programom rada Skupštine Zeničko-dobojskog kantona u mjesecu julu 2015. godine je planirano razmatranje Elaborata o društveno-ekonomskoj opravdanosti formiranja Zavoda za zaštitu kulturne baštine Zeničko-dobojskog kantona. Ministarstvo za obrazovanje, nauku, kulturu i sport je u predviđenom roku predmetni material uputilo prema Vladi koja je na svojoj 24. sjednici donijela Zaključak da se uradi dorada dostavljenog materijala.

Osim oblasti nacionalnih spomenika, odnosno odluka Komisije za očuvanje nacionalnih spomenika na državnom nivou, kao i na federalnom, nemamo zakona koji tretiraju oblast zaštite kulturne baštine. Sva zakonska regulativa je na kantonalnom nivou.

Zaštitu kulturne baštine na federalnom nivou obavlja Zavod za zaštitu spomenika Federacije Bosne i Hercegovine, na kantonalnom-kantonalni zavodi (Kanton Sarajevo, Tuzlanski, Unsko-sanski, Srednjobosanski i Hercegovачko-neretvanski kanton).

Međunarodne konvencije - Konvencija za zaštitu kulturnih dobara u slučaju oružanog sukoba (Hag, 1954. godine), Evropska konvencija o zaštiti arheološkog naslijeđa (London, 1969. godine), Konvencija o mjerama za zaštitu i spriječavanje nedozvoljenog uvoza, izvoza i prenosa svojine kulturnih dobara (Pariz, 1970. godine), Konvencija o zaštiti svjetske kulturne i prirodne baštine (Pariz, 1972. godine), Konvencija o zaštiti arhitektonskog naslijeđa Evrope (Granada 1985. godine), kao i konvencije i drugi međunarodni multilateralni i bilateralni ugovori kojima pristupi ili koje prihvati Bosna i Hercegovina u obavezi su se primijenjivati i njihove odredbe svi subjekti zaštite su obavezni na odgovarajući način primijenjivati.

Uvidom u broj nacionalnih spomenika, kojih je na području Kantona 49, i drugih arheoloških ostataka, može utvrditi da su isti zastupljeni u skoro svim općinama (osim Usore i Doboj-Juga), što podrazumijeva obavezu osiguranja stručnog nadzora nad zaštitom i načinom korištenja dobara kulturno-historijskog naslijeđa u skladu sa Zakonom.

Predloženi Elaborat nudi tri projekcije Zavoda o kojim će se Skupština izjasniti.

Finansijski pokazatelji

Sama izrada Elaborata nije iziskivala finansijska izdvajanja, dok bi za osnivanje Zavoda za zaštitu kulturne baštine, u narednom periodu, u Budžetu Kantona bilo potrebno osigurati određena finansijska sredstva, u zavisnosti od toga koju projekciju Zavoda bi Skupština usvojila.

MINISTAR

Mensur Sinanović